

## მემორანდუმი

საქართველოს განათლების, მეცნიერების, კულტურისა და სპორტის  
სამინისტროს სსიპ „ბავშვთა და ახალგაზრდობის ეროვნულ ცენტრსა“

და

სსიპ „სამცხე-ჯავახეთის სახელმწიფო უნივერსიტეტს“

შორის

ურთიერთთანამშრომლობის შესახებ

ერთი მხრივ, საქართველოს განათლების, მეცნიერების, კულტურისა და სპორტის სამინისტროს სსიპ - ბავშვთა და ახალგაზრდობის ეროვნული ცენტრი (შემდგომში - „ცენტრი“), წარმოდგენილი უფროსის - გიგა გაბელაიას სახით და მეორე მხრივ, სსიპ - სამცხე-ჯავახეთის სახელმწიფო უნივერსიტეტი (შემდგომში - „უნივერსიტეტი“) წარმოდგენილი რექტორის - მავა ბერიძის სახით, ერთობლივად წოდებული როგორც „მხარეები“, ხელმძღვანელობენ რა საქართველოს მოქმედი კანონმდებლობის შესაბამისად, აგრეთვე ურთიერთგაებისა და პატივისცემის პრინციპებით, ითვალისწინებენ ორივე მხარის სამუშაო მიმართულებებსა და პრიორიტეტულ საკითხებს; აღიარებენ, რომ მხარეების თანამშრომლობა ხელს შეუწყობს სტუდენტების პიროვნულ და პროფესიულ განვითარებას და მათში მუდმივი სწავლების უნარების განვითარებას; აცნობიერებენ, რომ განათლება წარმოადგენს განსაკუთრებით ღირებულ კულტურულ, აკადემიურ და მეცნიერულ ღირებულებას ყოველი ადამიანისთვის და საზოგადოებისათვის; გამოხატავენ მყარი და გრძელვადიანი ურთიერთთანამშრომლობის სურვილს და დებენ წინამდებარე ურთიერთთანამშრომლობის მემორანდუმს (შემდგომში - „მემორანდუმი“) შემდეგზე:

## 1. მიზანი

მემორანდუმის მიზანია განსაზღვროს ცენტრსა და უნივერსიტეტს შორის თანამშრომლობის ჩარჩოები - არაფორმალური განათლების, შემეცნებით აქტივობებში ჩართულობის, მოხალისეობის პროგრამაში მონაწილეობის, თანატოლგანმანთლებელთა პროგრამაში მონაწილეობის, ტრენერებისა და ლიდერების მომზადების და საბანაკე პროცესებში ჩართვის, ასევე სტუდენტთა საზოგადოების ფარგლებში.

## 2. მხარეთა უფლება-მოვალეობები

### 1. უნივერსიტეტი იღებს ვალდებულებას;

1. უზრუნველყოს სტუდენტურ ბანაკებში სტუდენტთა მონაწილეობა;
2. ხელი შეუწყოს მოხალისეობრივ პროგრამებში სტუდენტთა ჩართულობას;
3. ხელი შეუწყოს ბავშვებისა და ახალგაზრდებისათვის საგანმანათლებლო-შემცნებით საქმიანობაში აკადემიური სფეროს წარმომადგენლების ჩართულობას.

### 2. ცენტრი იღებს ვალდებულებას, კომპეტენციის ფარგლებში:

1. უზრუნველყოს საერთაშორისო ევროპულ ელექტრონულ პლატფორმებზე ახალგაზრდული პროგრამების მონაწილეთა და მოხალისეთა გაწევრიანება მათი კომპეტენციების აღიარების მიზნით;
2. ხელი შეუწყოს ახალგაზრდების ჩართვას დასაქმების პროგრამებში;

3. უზრუნველყოს ცენტრის მიერ შექმნილ ახალგაზრდულ სერვისებში უწივერსიტეტის სტუდენტთა ჩართულობა.

### 3. მემორანდუმის მოქმედების ვადა

წინამდებარე მემორანდუმი ძალაში შედის ხელმოწერისთანავე და მოქმედებს 2020 წლის 31 დეკემბრის ჩათვლით. ამ პერიოდის შემდგომ, მხარეებს შეუძლიათ მიიღონ გადაწყვეტილება მემორანდუმის განსაზღვრული ვადით გაგრძელების შესახებ.

### 4. ცვლილებებისა და დამატებების შეტანა/მემორანდუმის შეწყვეტა

1. მემორანდუმში წებისმიერი ცვლილების ან/და დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
2. მემორანდუმის შეწყვეტის საფუძვლებია:
  - ა) მემორანდუმის მოქმედების ვადის გასვლა;
  - ბ) ერთ-ერთი მხარის მიერ მემორანდუმის პირობების დარღვევა;
  - გ) მხარეთა წერილობითი შეთანხმება;
  - დ) საქართველოს კანონმდებლობით გათვალისწინებული სხვა საფუძვლები;
3. მემორანდუმის მოქმედების შეწყვეტა არ იმოქმედებს იმ ღონისძიებათა კანონიერებაზე ან/და ხანგრძლივობაზე, რომელიც შეთანხმებულია წინამდებარე მემორანდუმის ფარგლებში და მათი განხორციელება დაწყებულია მემორანდუმის შეწყვეტამდე.

### 5. დავის გადაწყვეტა

მემორანდუმის მოქმედების პერიოდში წამოჭრილი წებისმიერი დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

### 6. დასკვნითი დებულებები

1. იმ შემთხვევებში, რომლებიც არ არის გათვალისწინებული წინამდებარე მემორანდუმით, მხარეები იხელმძღვანელებენ საქართველოს მოქმედი კანონმდებლობით. კანონმდებლობაში მომზდარი ცვლილებების შედეგად მემორანდუმის რომელიმე პუნქტის მაღადაკარგულად გამოცხადების ან ბათილად ცნობის შემთხვევაში, მემორანდუმის დანარჩენი პუნქტები ძალაში რჩება.
2. მემორანდუმი შედგენილია ორი თანაბარი იურიდიული ძალის მქონე ეგზემპლარად, რომლებიც ინახება მხარეებთან.


7. მხარეთა რეკვიზიტები და ხელმოწერები:

სსიპ „შავშეთა და ახალგაზრდობის ეროვნული ცენტრი“

საიდ. კოდი: 204935712

მის:თბილისი, ვაჟა-ფშაველას გამზ. N768

ტელ: 0 (32) 2 30 02 03




სსიპ „სამცხე-ჯავახეთის სახელმწიფო უნივერსიტეტი“

საიდ. კოდი: 424066977

მისამართი: ქ. ახალციხე, რუსთაველის ქ. N113

ტელ.: (+995 365) 22 19 90



მაკა ბერიძე